

upitn bataludictuc tegweuit. Amuj Elnu ucwisel telipcotamcasit stege tan teliscasjadasic. Cadu unmajodaen igadau negula mimajuinu utininc, tan wejicinualut. Tocu pocjipibanimtultijic tegen negemau ceduteladegej negula coguea. Ac elp cwejiwegwamadultijic tegen tan cedupiamiespedaua. Tocu Sesus elaji : Actagictesunemicsijic utelgemuok alsusultijic utinewaka : ac usacamamuok teluwedujic nujinaduodacadijic. Cadu cilau mu teloltiuk. Cadu tan cilau piamiespec, telej stegej piaminutwec, ac tan sacamaualut, stegej wencabemit. Cadu tegen to piamicpemec ? tan etladalc ? cisna tan nudabilasit ? Cadu nin tegweulok stege n'nudabilasina. Cadu cilau tegweuiogep n'cwejaltimecweamel ictuc, ac ciscajadulok eligewitewudi, stuge nuj ciscajaduip : actinjisultinau, ac acnesamugoltinau, n'bataludimca, n'telegewaginca ; ac acpultinau eligewitewel cudpudila, ac actilsunau mctlasunemicsijic jel tabu, tanic Islelec wedabecsijic.

Tocu Sacamau Sesus et : Simu, Simu, mendu, eda edauwep cuscweaguna, actelibuscalugun stege culumcul. Cadu alasudemelseulep actlamsituocnam mu ucacayana. Ac tan tilisip ciwonscaluten, mulgigenaladacs wijgedultiyoka. Simu Piel elajel : Sacamau, ciscajei acwijedinenu lapolis ictuc ac n'puwocn ictuc. Sesus elajel : Telimul, Piel, cigeligwej ma actuc ciscuc, cescamanac cil sist mimugwodudacs actnenuna. Ac elp telimaji : tan tilisip elcimulogep, ac mu wescodemudiogep sulieweec, cisna mundiec, cisna wenjucesennn, pawotemudiyoksep coguwa ? Telimadjel, mogwe. Alaju, cadu nigej negem tan wescote sulieweecamudi, usuaduj ; ac elp mundi, ac tan wen mu cecunamuc espugwosic, n'tuisceduj utucwon ac apcwodelj espugwosic. Mada telimulok negula tan ewigasie cisidasidau n'tinin ictuc ; aiej, wiacidasisidau padadacadilijia. Mada m'sit coguel ntinincel ewigasigel, ciscajiadal. Telimadjel : N'sacaminen, ula tabugel espugwosigel edegel. Elaji : Tebiac.

Na tewiet, eliet tan tet elntawagadoc uteliena, aiej pamdan ictuc, teluisic Olibie, ac ceginudamujic majulewoladijel. Na igaj nadel, elaji : Alasudemadicw, mu actiganau asintimcewe ictuc. Tocu nacalaji, eliet telibesuc cundau tan legenesa, ac emuteulibuguasit, alasudemat, et : Nuj, ulidedeman, eda ujijigeladu n'tinin net canipsamun. Cadu mu telianuj tan nin welidedem, cadu tan cil welidedeman, telaj. Na ansalewit wasoc wejiet, etlimeswasit Sesus eyemalij, etlimalgigenevalajel.

Na loc wenmajec, ac wejiajmalgialasudemat ; ac utegeneudil telamugel stege jnpagontescul maldau, nisiaigel macamigega.